

Mbete kí njèkungì joo kí
 Ja
 ndàngì

Ta-je kí dɔ mbete-tì kí njèkungì-tì joo kí Ja ndàngì

Njèkɔwkulə Ja ndàngì mbete kí gɔjì kin adi «Dené kí Lubə mbəti-é rəm, adi ngan-é rəm» kɔɔ kulə-né dingəm mɛɛ-dé-tì kadi panjiyə-dé ɔw natì k̀ ta kí tɔgrɔ-tì rəm, kadi ɔw natì k̀ ndigì dow-je rəm, ɓá ɛ ndàngì mbete kin kɔɔ ndəjì-dé-né kete sobi-né dɔ njéndó dow-je né kí ngɔm. Dow-je kí Ja ndàngì mbete adi-dé kinlé, jɛ j'gə al ó sé to Dené dɛ k̀ ngan-é ya əse to njékəwnə-je kí lo madi-tì wa. Ta kí rá-tì kàrè to njékadmɛɛ-je kí Ja ndigì-dé nɔ ɓá ɛ ndàngì mbete kin adi-dé. Lo kulə gin mbete-tì lé, njèndàngì-é tɔjì rɔ-é kí «'ngatógì.» Dow kí káre kin ya ndàngì Poyta kí Majì kí ri Ja tò dɔ-tì kin rəm, ɛ ya ndàngì mbete kí dɔsɔy, k̀ mbete kí njèkungì-tì joo, k̀ mbete kí njèkungì-tì mutə kin rəm, ɓá ndàngì mbete Né-je kí 'tɛɛ dɔ-é rəm tɔ. ('Ndó ta-je kí dɔ mbete-tì kí dɔsɔy kí Ja ndàngì). Mɛɛ mbete-tì kí nè kinlé, Ja pa ta-je titi-nɔ k̀ ta-je kí mɛɛ mbete-tì liə kí dɔsɔy kinlé tɔ. ɛ pa ta kí sobi dɔ ta kí tɔgrɔ-tì, k̀ ndigì dow-je ya dɔsɔy, ɓá go-tì ɛ pa ta kí sobi dɔ njékɔsì ta Kristì, k̀ kəm rəbì kí dow a mbati-né néndó lə-dé kí ngɔm rəm. ɛ ulə dingəm mɛɛ dow-je-tì liə kí ɛ adi-dé mbete kinlé kadi d'uwə-nɔ lubi-lubi k̀ Lubə rəm, kadi d'uwə-nɔ lubi-lubi k̀ Jeju Kristì rəm tɔ.

Tɔjì rɔ k̀ lapiya kí ra

¹ M̄a 'ngatóngi, b́a m'ndàngi mbete kin m'adi Kiriya* dené kí Lubə mbəti-é rəm, m'adi ngan-é-je kí m'ndigi-dé ndigi kí tɔgrɔ-ti rəm. To m̄a k̄i kár-m b́a m'ndigi-dé al, ngà d̄e lay kí 'gə ta kí tɔgrɔ-ti lé 'ndigi-dé tɔ. ² J̄e j'ndigi-si kɔɔ ta kí tɔgrɔ-ti uwə lo kisi m̄ēē-ji-ti ə à to m̄ēē-ji-ti sartagangi. ³ Kad̄i ramaji, k̄i koo kəmtondoo, k̄i lapiya lə Bɔbi-ji Lubə, k̄i 'lə Jeju Kristi kí Ngon lə Bɔbi-ji Lubə n̄ay sə-ji m̄ēē ta-ti kí tɔgrɔ-ti, k̄i m̄ēē ndigi dow-je-ti.

Ta kí dɔ ndigi dow-je-ti

1Ja 5:1-3

⁴ M'ra rənəl n̄a kɔɔ m'ingə ngan-i-je kí dan-ti-je kí 'njiyə m̄ēē ta-ti kí tɔgrɔ-ti k̄i gangi-é kí ndukun kí Bɔbi-ji adi-ji pa-né lé ya. ⁵ †Kiriya, mbete kí m'ndàngi m'adi-i ngɔsné kinlé, to ndukun kí sigi al, ngà to ndukun kí j'ingəi lo kulə gin-é-ti n̄u ya. M'də̄ji-i kad̄i j̄əi lé j'ndigi-n̄a. ⁶ Ə ndign̄a lé to təl rɔ go ndukun-je-ti liə. Ē kin b́a to ndukun kí səi à njiyəi m̄ēē-é-ti titi kí ooi-né ta-é lo kulə gin-é-ti n̄u.

Ta kí sɔbi dɔ njéndó dow-je né-je kí ngɔm

1Ja 4:1-6; 2:18-23

⁷ Njékədtə-je n̄a ya 'sane-n̄a k̄i dɔnangi lay. D̄e 'naji təl kí Jeju Kristi təl rɔ-é dow-ti. Ooi, dow kí pa ta kí bè kinlé to njékədi dow-je rəm, njəkɔsi ta Kristi rəm. ⁸ S̄əi ya ooi go rɔ-si maji, kɔɔ kad̄i kullə kí j'rai lé tò kɔgi al, ngà kad̄i j'ingəi nékugə d̄əji-ti mburuki-mburuki b̄ane.

⁹ Dow kí rá-rá kí ɔw mbing ur rangi b̄i ɔ njángi dɔ néndó-ti kí sɔbi dɔ Kristi kin al rəmə, to dow kí nam kad̄i Lubə-ti al. Ngà dow kí ɔ njángi dɔ néndó-ti kin

* 1:1 1:1 Ta lə dené kí 'b̄a-é Kiriya k̄i ngan-é kinlé à to ta kí sɔbi njékəwn̄a-je kí lo madi-ti je bè. † 1:5 1:5 J̄a 13:34; 15:12,17

rəmə, to dow kí nam kàdì Bòbi-ji Lubə-ti rəm, nam kàdì Ngon-é-ti rəm. ¹⁰ Kinə dow ree rɔ-si-ti kì néndó ðá to néndó kin al rəmə, uwəi-é kì rɔ-si-ti mɛɛ kəy-ti lə-si al rəm, ðá 'rai-é lapiya al rəm! ¹¹ Kdɔ dow kí ra lapiya dowbé rəmə, ɛ ində rɔ-é nati siə mɛɛ kullə ra-é-je-ti kí majal lé tɔ.

¹² Né-je n̄a tò kadi m'ndàngi ta-é mbete-ti m'adi-si ya ngà, m'ndigì ndàngi mɛɛ mbete-ti al. Kdɔ m'ində mɛɛ-m dɔ-ti kí m'a kɔw koo-si ə m'a pa sə-si kì ta-m jà-jà kdɔ kadi rɔnəl lə-ji ɔr njuti.

¹³ Ngan lə ngonkɔ-i kí dené kí Lubə mbəti-é kinlé 'rai lapiya.†

† 1:13 1:13 Talə dené kì ngan-é kí tò nè kinlé à to ta kì sɔbi njékəwn̄a-je kí lo madi-ti kí njèndàngi mbete kinlé isi dan-dé-ti je bè.

Ta lə Lubə Kunmindī kī Sigi

Mango: Ta lə Lubə Kunmindī kī Sigi (New Testament)

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 14 Jun 2022 from source files dated 28 May 2022

96bdbd07-24d6-556c-9e7c-7269c72880cd